



Reykjavík 3.12. 2018

Landlæknisembættið,  
Barónsstíg 47, 101 Reykjavík.

Velferðarráðuneytið,  
b.t. Guðrún W. Jensdóttir, lögfræðingur,  
Skógarhlíð 6, 105 Reykjavík,

**Varðandi: Viðurkenningu á hæfi Barnaspítala Hringsins (barnadeildar) á kvenna- og barnasviði Landspítala-háskólasjúkrahúss til að bjóða upphafssérnáám í barnalæknisfræði (e. pediatrics).**

Með tilvísan í 7., 8. og 15. gr. reglugerðar nr. 467/2015 um menntun, réttindi og skyldur lækna og skilyrði þess að hljóta almennt lækningaleyfi og sérfræðileyfi, svo og til starfsreglna nefndarinnar sem staðfestar voru af heilbrigðisráðherra 28. júní 2016, vill mats- og hæfisnefndin tilkynna að á fundi nefndarinnar þann 03.12. 2018 var ákveðið að viðurkenna með formlegum hætti allt að tveggja ára upphafssérnáám í barnalæknisfræði sem gæti farið fram á barnadeild kvenna- og barnasviðs (Barnaspítala Hringsins) og tengdum deildum Landspítalans, og eftir atvikum á stofnunum utan spítalans þar sem samvinna er við barnadeildina. Nefndin skal samkvæmt ákvæðum reglugerðarinnar meta hæfi heilbrigðisstofnunar eða deildar heilbrigðisstofnunar til að öðlast viðurkenningu sem kennslustofnun fyrir slíkt sérfræðináám.

Ákvörðunin var tekin með hliðsjón af endurskoðaðri marklýsingu sem byggir á alþjóðlegum (einkum evrópskum) leiðbeiningum um sérnáám í barnalæknisfræði. Fulltrúar barnadeildarinnar skiluðu marklýsingunni til mats- og hæfisnefndar í apríl 2018 eftir endurskoðanir og yfirferð mats- og hæfisnefndar í febrúar - apríl 2018. Náám og kennsla hófst í maí 2018 með hliðsjón af marklýsingunni. Marklýsingin er meðfylgjandi (rafræn sending).

Mats- og hæfisnefndin hefur rætt við forsvarsmenn og kennslustjóra námsins og fengið umsagnir stjórnar Félags íslenskra barnalækna, framkvæmdastjóra lækninga á Landspítalanum, varamanns forstöðumanns fræðasviðsins í barnalæknisfræði við Læknadeild Háskóla Íslands og umsögn Embættis Landlæknis, með tilvísan í 3. mgr., 15. gr. reglugerðar nr. 467/2015. Þá heimsóttu tveir fulltrúar úr nefndinni Barnaspítala Hringsins á Landspítalanum þann 26.11.2018, og ræddu námsferlið og aðstæður á Barnaspítalanum við forsvarsmenn námsins. Einnig var rætt við þrjá fulltrúa sérfræðilækna og þrjá sérnáamlækna sem eru við nám þar. Meðfylgjandi lýsing á þeirri úttekt er send Barnaspítalanum, Velferðarráðuneytinu,


Landlæknisembættinu og öðrum með beina aðild að náminu til kynningar og hún er fáanleg hjá nefndinni. Viðmið nefndarinnar vegna matsins taka mið af dönskum og breskum/evrópskum vinnuvenjum og reglum varðandi úttektir á námsstöðum. Í matinu er fjallað um námsaðstæður, þ.m.t. mönnun, umfang og inntak starfseminnar á barnadeild Landspítalans, vinnufyrirkomulag, faglega fundi, kennslu, námstækifæri og leiðsögn sem námslæknar fá, auk samvinnu við aðrar stofnanir og deildir spítalans og önnur skyld atriði. Athugasemdir frá mats- og hæfisnefnd og umsagnaraðilum hafa verið kynntar forsvarsmönnum námsins.

Nefndin samþykkir hér með marklýsinguna og viðurkennir Barnaspítala Hringsins á kvenna- og barnasviði Landspítala sem kennslustofnun í þessari sérgrein læknisfræðinnar. Um er að ræða allt að tveggja ára upphafssérnám með tilvísan í reglugerð nr. 467/2015. Námið er miðað við 10 -12 stöður sérnámslækna á deildinni. Námið er samkvæmt 8. gr. reglugerðarinnar á ábyrgð framkvæmdastjóra lækninga á Landspítala. Viðurkenningin tekur ekki til náms í undirsérgreinum. Sérnáminu mundi ljúka við viðurkennda erlenda stofnun í sérgreininni skv. ákvæðum reglugerðar nr. 467/2015 með síðari breytingum/viðbótum.

Endurmat þessarar viðurkenningar skal skv. reglugerð 467/2015 fara fram eigi síðar en að fjórum árum liðnum, þ.e.a.s. haustið 2022, en verður væntanlega endurskoðað í lok árs 2019 með tilliti til matsniðurstaðna.

Yfirlit yfir viðurkenndar heilbrigðisstofnanir og marklýsingar skal með tilvísan í reglugerðina, birta á heimasíðu Embættis Landlæknis.

Virðingarfyllst, f.h. mats- og hæfisnefndarinnar,



Reynir T. Geirsson, próf. em.,

Formaður mats- og hæfisnefndar skv. reglugerð nr. 467/2015.

*Afrit:*

Ólafur Baldursson, framkvæmdastjóri lækninga, Landspítala

Hrund Scheving Thorsteinsson, deildarstjóri, menntadeild, Landspítala

Linda Kristmundsdóttir, framkvæmdastjóri kvenna- og barnasviðs, Landspítala

Ásgeir Haraldsson, prófessor og forstöðumaður fræðasviðsins barnalæknisfræði, Læknadeild Háskóla Íslands

Ragnar Bjarnason, prófessor og yfirlæknir, Barnaspítala Hringsins, Landspítala

✓ Þórður Þórkelsson, yfirlæknir og kennslustjóri, Barnaspítala Hringsins, Landspítala

Valtýr Stefánsson Thors, sérfræðilæknir, formaður Félags íslenskra barnalækna

Engilbert Sigurðsson, prófessor, deildarforseti Læknadeildar Háskóla Íslands

Reynir Arngrímsson, formaður, Læknafélagi Íslands